



O.P.D. HOSPITAL CIVIL GUADALAJARA  
"YAPEP+RETIMANI KEPA+ 'AXAPATE REUKU'+WIYARIEKA"  
REUNAIMIMEK+

Organismo Público Descentralizado Hospital Civil Guadalajara muwe Coronel Calderón 777, El Retiro m+rakutewatsie, Código Postal 44280, p+h+k+ 'its+kame hetsiena m+raka xapate 'ahetsiemieme m+tiutiniuka pem+tatsiyeturieni may+itari.

**Xapatetsie m+kaniere 'axapate may+itari**

'Ik+ Organismo 'axapate p+tikuma+wa kanieremek+ kemayetai+ka artículo 6 tsie, hetsiena rawiyat+ m+ka'ut+tsie A, mekunuiwatsie II tsiere 16 mayemie hutarieka ya'ayetewime manukuheit+katsie Constitución Política de los Estados Unidos Mexicanos xapayaritsie; pa+na tsiere artículo 9 tsie, mekunuiwa V mayemie Constitución Política del Estado de Jalisco xapayaritsie; artículo 1 tsie mayemie Ley de Protección de Datos Personales en Posesión de Sujetos Obligados del Estado de Jalisco y sus Municipios xapayaritsie, tsiere kerekuxeyat+ m+ka'ut+ 'ik+ yapa+memetsie 20, 21, 23, 25 mekunuiwatsie XV, XVII tsiere XX, Ley de Transparencia y Acceso a la Información Pública del Estado de Jalisco y sus municipios xapayaritsie.

**Titak+ 'ik+ organismo 'axapate tikuma+wa:**

- 'Axapate m+tikuxe+riyani tita m+rayuyexeyani, 'ik+k+ p+tiyukumay+ani:

- 'Aitsika 'aix+ pem+reu'eriekak+ parewiya kepa+meme 'ena m+yuyetua.

- M+rayuye'at+wani '+kit+arikatsie, maiya 'iwaurikatsie, tsiere 'aitsikatsie mets+ 'ik+ Organismo kanih+k+t+ni Hospital Escuela, Universidad de Guadalajara mieme.

- M+rayuye'at+wani xapate m+rayu'iwawanitsie harerutsiyak+ (actividades mercantiles), tumini kem+tix+t+arie maka'ut+ariwa (contables), tumini memexeyatsie kememaku'ane (financieras), tumini kem+tix+t+arie m+yexaxatsiwa (fiscales), xapatetsie mekanieret+ m+ti'uximayatsie kem+ti'aix+ (jurídicas), ketikayame tita m+reuyewetse m+tiunaneni (procesos de adquisiciones), 'uximayatsika yutawaume m+rayukatuani (contratación de servicios), tierika tsiere xanetsika mem+yetuaya memanu'enieriwanik+, mem+te'anuhuruwanik+ memiyetuaya niuki metewaut+ xapate mem+texeyi tsiere waxapate m+ti'+wiyarieka, memaka'ut+arienik+ kem+'ane memehu xe+riya rayunierit+aka tsiere '+kit+arika.

- M+rayuye'at+wani 'uximayatsikatsie, hekwate te'uximayatamete memeutahat+arieni tsiere manuyewauyame hipame mem+tih+awiyani 'ik+ Organismo m+pa+ m+tiyurienentsie.

**Tita xapatetsie m+rayehu 'ahetsiemieme m+tiutiniuka tiyukuma+wa**

M+rayuye'at+wanik+ 'ena 'utsikatsie m+raxaxatsiwa, 'ik+ 'ahetsie m+timieme tep+tekumay+ani:

Kepem+titewa

Kepemeu'amate

Pep+'uka yat+ni pep+'uki

Hakiewa me'akie

Kepa+memetsie pemeuh+awarieni

Kepa+memetsie pemeuh+awarieni pemikukwene

'Afirma

Kepa+memek+ pemamatsi+k+ México hetsiemieme pem+ra'akatuaya (RFC)

Kepa+memek+ kiekaritsie pemamatsi+k+ yuxewimek+ (CURP)

Kepa+memek+ pemamatsi+k+ Instituto Nacional Electoral  
Kepa+memek+ mayemie 'aPasaporte.  
Hakiewa pemetinuiwax+  
Kepauka pemutinuiwax+  
Correo electrónico  
Titatsie pem+ti'uximaya

Pene+keni yat+ni pewikieka yat+ni 'axa+ta pe'uyeikani  
Kem+titewa 'akiekari 'am+yewa  
Ketitewakame pemutaniuka  
Kemem+tetewa 'amarema  
Kem+titewa waikari matsinake pem+waikaneni  
Kepemamie 'ik+t+arikatsie (Trayectoria educativa)  
'+kit+arika pem+ranun+x+a xapateyari (Títulos)  
Kepa+memek+ pemamats+ik+ pem+tiu'ata'+kit+a (Cédula Profesional)  
Pem+tiuyemate xapateyari (Certificados)  
'Aix+ pem+tikamietsie xapate pem+kuhurit+ariwa (Reconocimientos)  
'A'uximayatsikatsie mematsakumate (Referencias laborales)  
'Ek+ mematsakumate (Referencias personales)  
Hipame 'a'uximayatsika (Actividades extracurriculares)  
Titatsie pem+tiuta'uximayatax+ meripait+ (Trabajos anteriores)  
Kepem+raka'erie '+kiyari (Fotografía)  
Pemeumeni 'amama '+kiyari (Huella digital)  
'Axapa kuyaxi memeutsitsi+rawi wahets+a pemamatsi+k+ (Cartilla Militar)  
'Axapa kem+'ane pem+h+k+ mayemie pemikuhuriene tewapai (Pasaporte)

Tsiere, 'ik+ m+ti'ahetsie mieme p+tiuyuta'iwauwe tikweriwa'anene m+tiyuku'eriya.

Kepemeu'ane 'anawitsie  
'Ah+xitetsie kepema'anene  
Kem+'anene 'ak+pa  
Hipame 'ek+ xeik+a yapem+'ane  
Kepemutewi  
Kepem+rahete  
Kepemeupa  
'Axuriya ketitewakametsie m+mieme (tipo de sangre)  
'Axuriya kem+reuyutamime (ADN)  
Kepa+memek+ pemaka'ut+ hakiewa peme'aku'aita (Número de Seguridad Social)  
Kwiniyatsie kepemaku'ane  
Peme'aku'aita m+rayehu  
Tixa+t+ pekati'iyamat+ kwiniyari  
Kwiniya pemexeiya  
Kepem+reu'erie tsiere kepem+tiuka'iyari hetsie timieme.

'Uxipiya pit+arika kwiniyak+  
Kwiniyak+ pemutaxitekietsie  
'Axa m+timayat+ka matinake  
Tita mematinake 'ukitsi yat+ni 'ukari (preferencia sexual)  
Kepem+tikamie kwikiyak+ (hábitos sexuales)  
Kepem+reuyutamime (origen étnico)

Titatsie kakaiyarixi pem+tiuti'erie

Te'uximayatamete memeyuxe+rie wahamat+a pemayewe (afiliación sindical)

Mayemietsie kem+'ane waxuriya pem+h+k+ (información genética)

Y+k+ pem+'ane tixa+t+ m+pa+ perenuiwat+ kwiniya pem+rexeiyak+ (discapacidad)

Kepem+tikuyeika kiekaritsie (información migratoria de persona)

Pem+tita'uximayatak+ pemuta'inierietsie tsiere pemutah+awarietsie xapateyari (documentos de reclutamiento y selección)

Kepem+'ane peta'in+atsieme (Datos biométricos)

'Ik+ m+ti'ahetsiemieme p+tiyukumay+ani tsiere p+tiyuti'uximayata xeik+a titak+ m+tiuyutawau, tinakemek+ titak+ tsiere kem+rakapit+a mayehu artículos 1, 3 tsiere 4 Ley del Organismo Público Descentralizado Hospital Civil de Guadalajara xapa titewakametsie, parewiya m+k+ m+yetuakak+ tsiere m+tixe+rieka m+ti'+wiyani.

### Ti'ahetsiemieme m+tiyuxe+rie m+tiukutet+katsie maquinas tewapai yat+ni kiekaritsie

Nait+ ti'ahetsiemieme p+tiyuxe+rie m+tiukutet+katsie máquinas, ti'+kemetsie, niukametsie, peme'aku'aitatsie m+tiukutet+katsie 'ik+tsie mieme: imagenología, oftálmicos, colonoscópicos, ultrasonido, electrocardiógrafos, ecógrafos, audiómetros, mastógrafos, endoscopios, tomógrafos, resonadores magnéticos, electroencefalógrafos.

Pa+na tsiere, pep+ramaika 'ek+ kepem+'ane, tsiere m+tiyuxe+rie 'ena m+raxaxatsiwa m+timieme, p+y+we pemaka'+kierieni camarás muyetet+katsie 'ik+ Organismo meteh+wemete mem+texeyatsie .

### M+tiukuyuit+ani, titatsie tsiere kepa+ m+tiuyurieni yuhetsie m+nuakak+ kanieret+ Derechos M+tixeiya (Acceso), Yam+tay+ni (Rectificación), Mana m+tiu'at+ani (Cancelación) tsiere M+ta'imani (Oposición), (Derechos ARCO).

- M+tixeiya (Acceso): p+y+we pem+ramaika xapate ke'aneneme 'ahetsie timieme tem+texeiya, titak+ tikumay+iwa tsiere ketem+teiku'uximaya.
- Yam+tay+ni (Rectificación): p+y+we mitawauni 'aix+ m+ti'ut+arieni kepauka mayehu m+kahehekwanitsie, yam+kareuku'ut+kanitsie yat+ni m+reuyewet+kanitsie.
- Mana mitiu'at+ani (Cancelación): pemitawauni m+rayukayeit+ani xapate m+tiyekatetsie, nait+ tiwapini m+rayuye'ut+watsie, xapate m+tixe+riyatsie tsiere 'ena Organismo máquinas m+tiukutet+katsie hakiewa m+reye'ut+ni.
- M+ta'imani (Oposición): tsiere pem+ta'imani 'axapate m+tikumay+iwani yat+ni tixa+t+k+ m+tikumay+iwani.

P+y+we Derechos ARCO pemaye'at+ani, peheuyame Unidad de Transparencia 'ik+ Organismo Público Descentralizado Hospital Civil de Guadalajara, xapatsie pe'ita'ut+ame 'ak+mana, xapatetsie m+pa+ 'ayumiemek+ m+tikate perayeh+niyame, Infomex-tsie pera'ut+ame tsiere tihehekwat+ m+ranutinex+atsie peran'+ame.

Niuki 'aix+ 'anemek+ mana payemieni tsiere 'ik+ p+rayehuni:

- Kem+titewa m+tiwawa xapate kutsikame tsiere hetsiena mutaniuka, m+pa+ ti'aneni.
- X+ka y+weni kem+titewa 'its+kame manuyeka xapate m+yekatetsie.
- Hakiewa mekiena yat+ni titatsie niuki m+reye'ani hets+ana.
- Xapate mayemie kem+'ane m+h+k+ tsiere, m+pa+ ti'aneni, niukame tsiere xapateyari.
- Pemei'ut+ani kem+'ane Derecho ARCO pemeuyeiwa mayuye'at+ani.
- Pemei'ut+ani yapehait+ ke'aneneme ti'ahetsie mieme pem+reuyeiwa m+k+ derecho wahetsie m+tanuani.
- Tixa+t+ yat+ni xapa m+tiparewieka mex+iwa m+rekaxeyarieni pem+ra'iwawa m+tipatsieni.

## P+kaheuyuyeh+wa yapem+ra'eriwani 'ik+ Organismo 'axapate tsiere mana m+rayehu hipame m+tiwayetuirieka:

- Kepauka 'ahetsie timieme m+rayehunitsie m+irik+a tika'ut+ yat+ni m+tiyuxe+rietsie tsepa ke'ane meuhani 'ahetsiemieme m+retimani y+wet+.
- Kepauka 'its+kame xanetsikatsie 'aix+ m+rakayuruwa 'axapate m+ra'iwawani.
- Xapa m+yekanitsie yahayetait+ xapate m+irik+a timiemet+ni, m+k+ xapate kutsiyarieya 'ita'ut+ayu.
- Meuyewekatsie m+tiyu'ini+atanik+ 'uximayatsikatsie ketemahu mahek+arek+, m+tiyumainenik+ '+kit+arikatsie yat+ni kiekaritsie timiemet+ni hipame teuteri m+k+tsie memetimatiwa kay+wet+.
- Meuyewekatsie kwiniya m+yukunanik+, mahek+arek+ yat+ni tikwikame m+xeiyarienik+.
- Mem+yuyetuiriwani yuheyewa 'its+kate, kemem+teheukun+'arie yamem+tekahunik+.
- 'Its+kate hipame mem+tewayetuiriwani kiekaritsie mieme tixa+t+tsie yamem+tekahunik+.
- Timiemet+ni kiekatari tumini mem+k+'it+ariwa yat+ni mem+te'anukah+wiyarieni.
- Meuyewekatsie m+yuyetuayani pit+arika kwie m+yuta'uximayatak+, tixa+t+ m+tiukakenik+, tixa+t+tsie m+ti'uximayakak+ yat+ni tixait+k+ pit+arika.
- Tih+k+t+ni xapate kiekaripa muyutetuaya m+rayehu pinite kem+reuxeiyani, kem+'ane wahamat+a yuheyewa te'uximayatamete m+rayexeiyani tsiere m+tiyuwawa tumini m+'+wiyariek+ te'uximayatamete kiekaritsie mieme memiyetuaya.
- Meuyewekatsie kiekari 'axa m+katiyurienienik+ tsiere kwiniya m+ka'ikuwiyaniyat+ni kiekatari wahetsie m+tinua xapatsie tika'ut+ m+ti'+wiyariekak+, heuyeweka 'ayumie kiekaripa m+rahek+ata.
- Tiku'eriyar+wani m+ranuyukanaka katimiemet+ni xapatsie m+pa+ tika'ut+.

## Pep+y+we pem+ta'imani pit+arika pem+yetua 'axapatetsie m+rayehu m+tikumay+iwanik+

'Ek+ pep+y+we pem+ta'imani pit+arikak+, ke'anuy+neme pem+yetua 'axapate m+tikumay+iwanik+.

Yat+t+, 'ipa+ pep+ra'eriwani heiwa tep+kay+wawe tematsanu'enieni yat+ni mex+iwa 'axapate may+itari tem+hayewa, m+tiyu+wek+ xapatsie m+pa+ tareukun+'akaku reuyuyeh+aka 'axapate may+itarik+ temiteyeweiyani. Pa+na tsiere pepeitimamateni tihipamek+, pit+arika mana petiu'at+ayu p+rakuneni parewiya tekamatsiyetuirie pemutawau peka'axet+ pemayani, yat+ni mana xem+teuti'at+ani kexem+te'uximayakai 'ik+ Organismo mat+a.

Pem+ta'imani pit+arikak+ xapa peta'uat+ame pepeiyetuani Unidad de Transparencia 'ik+ Organismo miketsatsie yat+ni pehen+'ame 'ik+tsie correo electrónico [transparencia@hcg.gob.mx](mailto:transparencia@hcg.gob.mx)

## Pemixeiya tsiere tiupatsieni 'ik+ 'utsika

'Ik+ 'utsika p+y+we pemixeiya xapatsie, 'ik+ Organismo kiena tsiere 'ik+tsie sitio web [www.hcg.udg.mx](http://www.hcg.udg.mx)

Pep+ramaika tsiere 'ik+ p+rayepatsiewe yat+ni p+rayehkwariyariewe rakuwiet+kaikaku xapatetsie kanieremek+ hehekwat+ tiutawawieni; yuhetsie m+reuyeh+akatsie 'ik+ Organismo parewiya m+yetuayak+; ketem+tatihuk+ 'axapate '+wiyarikak+; yat+ni tihipamek+, yat+t+ pep+retimani m+tiupatsie tihetsie 'ena yamayetewi heima manukukatsie m+raxaxatsiwatsie.

**Coordinación General de Mejora Regulatoria y Transparencia**  
Tel. (33) 39 42 44 20 y 39 42 44 00 Ext. 41135,  
Correo electrónico [transparencia@hcg.gob.mx](mailto:transparencia@hcg.gob.mx)  
Coronel Calderón #777, El Retiro m+rakutewatsie, Yetapa, Jalisco